

Erakunde-adierazpena, Homofobiaren eta Transfobiaren aurkako Nazioarteko Egunerako (maiatzak 17)

Gizon-emakume guztiak aske eta duintasun eta eskubide berberak dituztela jaiotzen dira, eta estatuek saihestu egin behar dituzte sexu-orientazioagatiko, genero-identitateagatiko eta genero-adierazpenagatiko indarkeria nahiz gorrotoa, eta errespetatu egin behar dituzte emakumeen eta gizonen arteko berdintasunaren printzipioak.

Kontuan hartzekoak dira Giza Eskubideen Aldarrikapen Unibertsala, Eskubide Zibil eta Politiko Nazioarteko Ituna (EZPNI) eta Yogyakartako Printzipioak (2007), sexu-orientazioari eta genero-identitateari buruzko gaitan giza eskubideen nazioarteko legeria ezartzeari dagokionez.

Halaber, aintzat hartzekoak dira Nazio Batuen Giza Eskubideen Kontseiluaren 17/19 Ebazpena, 2011ko ekainaren 17koa, giza eskubideei, sexu-orientazioari eta genero-identitateari buruzkoa, eta Giza Eskubideen aldeko Nazio Batuen goi-komisarioaren 2011ko azaroaren 17ko txostena (*Leyes y prácticas discriminatorias y actos de violencia cometidos contra personas por su orientación sexual e identidad de género*);

Era berean, oinarritzat hartzekoak dira Amnesty Internationalen txosten hauek: *Amor, Odio y Ley. Despenalizar la homosexualidad* (2008), *Cuando el amor es delito. Penalización de las relaciones sexuales entre personas del mismo sexo en el África Subsahariana* (2013) eta *Por ser quien soy. Homofobia, transfobia y crímenes de odio en Europa* (2013);

Nahigabea adieraziko dugu homosexualitatea oraindik legez kanpoko delako 80 herrialdetan (horietako 36 afrikarrak) eta heriotza-zigorraz zigortzen dutelako Afganistanen, Brunein, Iranen, Mauritania, Pakistanen, Saudi Arabian, Sudanen, Yemenen eta Nigeriako eta Somaliako estatu batzuetan;

Horiek horrela, Pasaiaiko Udalak:

1. Kezka sakona adierazten du Amnesty Internationalek dokumentatu dituen kasu batzuegatik. Kasu horiek argi erakusten dute homosexualitatea kriminalizatu egiten dela, homofobiagatik edo transfobiagatik egindako krimenak zigorrik gabe geratzen direla, eta gayek, lesbianek, bisexualek, transexualek, transgeneroek eta intersexualek tratatu txarrak jasotzen dituztela. Honako hauek dira:
 - **KAMERUNEN, JEAN-CLAUDE ROGER MBEDE** kontzientzia-presoiri "homosexualitatea eta homosexualitate-saioa" leporatuta ezarritako hiru urteko espetxe-zigorra. 2011ko martxoaren 2an atxilotu zuten, eta 2012ko uztailean eman zioten baldintzapeko askatasuna, nahiz eta Yaundeko Apelazio Gorteak berriz espetxeratzeko agindu zuen 2013ko abenduan. Tragikoki hil zen, 2014ko urtarrilean.
 - **HEGOAFRIKAN, NOXOLO NOGWAZA** aktibista lesbianaren hilketa. 2011ko apirilaren 24an, bortxatu, eta hil arte kolpatu zuten, Kwa Theman (Gauteng) (poliziaren 635/04/2011 zenbakidun kasua).
 - **TURKIAN, AHMET YILDIZen** hilketa. Gay aitortua, tiroz hil zuten Üsküdarren (Istanbul), 2008ko uztailearen 15ean. Iritzi orokorraren arabera, "ohorearen" izenean egindako hilketa izan zen.
 - **BULGARIAN, MIHAIL STOYANOVen** hilketa. 2008ko irailaren 30ean, basatiki kolpatu zuten, hil arte, Sofiako Borisova Garden parkean. Hilketaren arrazoia: haren sexu-orientazioa (erasotzaileen ustezkoa).

- **BIELORRUSIAN, IHAR TSIKHANYUKUN** homosexualaren kasua. Poliziak galdeketa egin zion 2013ko urtarrilean, Lambdako Giza Eskubideen Zentroa erregistratzen saiatu zirenean. Kolpatu egin zuten, eta mehatxuak eta abusuak pairatu zituen gay izateagatik. Haren zauriak ez zituzten dokumentatu, eta tratu txarreatatik jarri zuen salaketa ez dute ikertu.
2. Indarrez gaitzesten du lesbianen, gayen, bisexualen, transexualen, transgeneroen edo intersexualen aurkako indarkeria eta diskriminazio oro.
 3. Gizon-emakumeak beren sexu-orientazioagatik edo genero-identitateagatik diskriminatzeko, auzipetzeko eta zigortzeko bidea ematen duten edo eman dezaketen lege guztiak indargabetzeko eskatu nahi du.
 4. Sexu bereko pertsonekin sexu-harreman baimenduak (egiazkoak edo ustezkoak) izateagatik atxilotutako edo zigortutako pertsona oro berehala aske uzteko eskatzen du.
 5. Justizia-administrazioko edozein mailatan sexu-orientazioan edo genero-identitatean oinarritutako diskriminazio oro debekatzeko eta ezabatzeko beharrezko neurri guztiak har daitezela eskatzen du, izan legegintzakoak, administraziokoak eta beste edozein arlotakoak.
 6. Sexu-orientazioan edo genero-identitatean oinarritutako eskubide-urraketa guztien salaketak eta txostenak dagozkien agintariak bizkor eta inpartzialtasunez ikertzeko eskatzen du, eta egileak eurak behartzea, kontuak ematera eta epaimahai baten aurrean agertzea. Ildo horretan, adierazpen honetako 1. puntuari aipatuta ageri diren kasuak nabarmendu nahi ditu.
 7. Sexu-orientazioa eta genero-identitatea (izan egiazkoak edo ustezkoak) estatu guztietan "gorroto-krimenak" eragin ditzaketen ezaugarri babestu gisa jaso daitezela eskatzen du.
 8. Halaber, poliziako, komunikabideetako, osasun arloko eta irakaskuntzako profesionalei prestakuntza eskain diezaietela eskatzen du, sexu-aniztasunari eta gizon-emakume ororen giza eskubideei buruz, LGBTI kolektiboko kideenak barne; baita prestakuntza ikasketen programa ofizialetan sartzeko ere.
 9. Giza eskubideen defendatzaileak xaxatzeari uzteko eskatuko du, eta babes egokia emateko arrisku egoeran dauden defendatzaileei, sexu-orientazio eta genero identitatearen gaietan giza eskubideen egitekoan ari direnei.
 10. Eskumena ematen dio Udaleko alkateari, hitzarmen hau bidaltzeko Kameruneko, Hegoafrikako, Turkiako, Bulgariako eta Bielorrusiako gobernuetara, Espainian dituzten enbaxaden bitartez.